

| | | | |
|------------|--------------------------------------|-------------|---------------------|
| Headline | Debat Azeez-Mujahid tetap diteruskan | | |
| MediaTitle | Sinar Harian | | |
| Date | 06 Aug 2020 | Color | Black/white |
| Section | Nasional | Circulation | 140,000 |
| Page No | 23 | Readership | 420,000 |
| Language | Malay | ArticleSize | 122 cm ² |
| Journalist | N/A | AdValue | RM 1,366 |
| Frequency | Daily | PR Value | RM 4,099 |



Debat Azeez-Mujahid tetap diteruskan

KUALA LUMPUR - Debat berkaitan isu-isu yang dibangkitkan dalam Tabung Haji (TH) antara bekas Menteri di Jabatan Perdana Menteri, Datuk Seri Dr Mujahid Yusof dengan bekas Pengurus TH, Datuk Seri Abdul Azeez Abdul Rahim tetap diteruskan.

Menerusi satu hantaran di Facebook semalam, Abdul Azeez berkata, debat bersama Mujahid untuk membincangkan isu TH sepatutnya dilaksanakan sebelum Hari Raya Aidiladha tetapi pihak pengurusan mene-tapkan satu tarikh yang sesuai bagi program tersebut.

“Ini kerana saya difahamkan terlalu ramai yang berminat untuk menyaksikan perbahasan kami berdua.

“Entah apalah Yang Berhormat Parit Buntar seronok sangat ni. Saya dulu bukan Menteri Agama pun. Bukan juga Timbalan Menteri tetapi hanyalah seorang bekas Pengurus Bukan Eksekutif (TH). Insya-ALLAH kita jumpa nanti,” tulis beliau.

Pada 21 Julai lalu, Mujahid mencabar Abdul Azeez untuk berdebat mengenai kedudukan institusi ke-wangan yang menguruskan dana umat Islam itu dan dakwaan-dakwaan perkembangan TH sewaktu pentadbiran Pakatan Harapan (PH).

Beliau yang merupakan Naib Presiden Parti Amanah Negara (Amanah) berkata, pihaknya tiada masalah untuk mengundang Abdul Azeez membentangkan segala fakta dan dakwaan dalam perdebatan itu nanti.

Katanya, beliau mahu berdebat secara terbuka dengan Abdul Azeez selepas Ahli Parlimen Baling itu galak mencelah ketika beliau berucap di Parlimen pada 15 Julai lalu.